

## I CONCURSO DE POESÍA EN GALEGO DE NOVAS XERACIÓNS DE GALICIA

### ***BASES:***

1. Poderán participar no concurso todos aqueles autores (menores de 30 anos) que presenten as súas obras en lingua galega. Os traballos presentados deberán ser orixinais e inéditos en toda a súa extensión, sen firma nin sinal algún que denuncie a súa procedencia.
2. O prazo de admisión de orixinais rematará o venres 16 de marzo de 2007 ás 20:00 horas.
3. A presentación de orixinais a concurso efectuarase en días laborais, en horario de 10:00 a 14:00 horas e de 17:00 a 20:00 horas (salvo sábados) na sede rexional de Novas Xeracións de Galicia, sita no edificio CNL, na Avenida Fernando Casas Novoa - Bloque 2, Baixo. CP. 15.781 de Santiago de Compostela (A Coruña). Tamén poderán ser remitidos por correo á mesma dirección, indicando no sobre *"Para o I Concurso de Poesía en galego de Novas Xeracións de Galicia"*, sempre que dita remisión se realice antes de finalizar o prazo indicado na base segunda.
4. Os poemas deberán ser orixinais e non estar editados por ningún procedemento impreso ou electrónico, que non foran premiados en

- calquera outro certame e que non estén presentados a ningún outro concurso antes de facerse público o fallo desta convocatoria. O autor acompañará un escrito firmado no que declare estes aspectos, indicando tamén que sobre esta obra non existe compromiso algún e que polo tanto posee todos os dereitos (Anexo II).
5. Os orixinais non irán firmados, debendo presentarse por quintuplicado (facendo constar no encabezamento o título escollido) e acompañados dun sobre cerrado, no exterior do cal se fará costar o título citado.
  6. No interior do sobre depositarase o Anexo I e o Anexo II cubertos adecuadamente. Cando un mesmo autor presente varias obras distintas (sexan pezas poéticas ou colección de poemas), deberá seguir o mesmo procedemento para cada unha delas.
  7. Cada autor poderá presentar unha peza poética, ou unha colección de poemas, cuxa extensión non será inferior a catorce versos nin superior a cincuenta versos, en folios mecanografiados a dobre espazo por unha soa cara. O tema será de libre elección por parte do autor.
  8. Unha vez finalizado o concurso e editadas as obras gañadoras, os traballos non seleccionados serán destruídos.
  9. O concurso está dotado de un primeiro premio, consistente nun trofeo acreditativo mais unha cea para dous nun restaurante compostelán, e

dun segundo premio, consistente nun trofeo acreditativo. Así mesmo tamén se fará entrega dun diploma acreditativo de finalistas ós 10 mellores traballos a xuízo do Xurado.

10. Un Xurado, designado a tal efecto, formado por 5 membros, valorará os traballos presentados e emitirá o seu fallo o día 21 de marzo de 2007, Día Internacional da Poesía. A entrega de premios celebrarase tamén o 21 de marzo de 2007 a partires das 18:00h na sede rexional de Novas Xeracións de Galicia, sita no edificio CNL, na Avenida Fernando Casas Novoa - Bloque 2, Baixo. CP. 15.781 de Santiago de Compostela (A Coruña), e será obrigatorio que os gañadores estén presentes no acto.
11. Novas Xeracións de Galicia estará facultada para editar un libro, se o considerase oportuno, cunha selección dos mellores traballos presentados a concurso, realizada polo Xurado encargado de emitir o fallo. En todo caso, tanto o traballo gañador coma o segundo clasificado, así coma os traballos finalistas publicaranse na páxina web da organización convocante deste certame: <http://www.novasxeracions.com>  
A participación no concurso implica a aceptación de que os traballos seleccionados polo Xurado se inclúan na mencionada edición, para a cal cada autor seleccionado deberá entregar o seu texto en soporte informático.
12. O fallo do Xurado será inapelable en todos os casos.

13. O Xurado poderá declarar deserto un ou varios dos premios cos que está dotado o concurso.
14. O Xurado poderá resolver aquelas situacións non contempladas nas presentes Bases, así coma as dudas que se plantexen sobre a súa interpretación.
15. O fallo do Xurado farase público o 21 de marzo de 2007 a partires das 18:00 horas na sede da organización convocante, Novas Xeracións de Galicia, sita no edificio CNL, na Avenida Fernando Casas Novoa - Bloque 2, Baixo. CP. 15.781 de Santiago de Compostela (A Coruña). Posteriormente farase público na páxina web da organización:  
<http://www.novasxeracions.com>
16. A participación neste concurso implica a íntegra aceptación das presentes Bases.

## ANEXO I

NOME:

APELIDOS:

ENDEREZO:

TELÉFONO:

CORREO ELECTRÓNICO:

FOTOCOPIA DO DNI:

--	--



## ANEXO II

Eu, \_\_\_\_\_ con DNI nº  
\_\_\_\_\_ certifico que o traballo co cal participo no "I  
*Concurso de Poesía en Galego de Novas Xeracións de Galicia*" baixo o título de  
\_\_\_\_\_, non foi premiado en  
outro certame e que non esta presentado a ningún outro concurso antes de  
facerse público o fallo do "I *Concurso de Poesía en Galego de Novas Xeracións  
de Galicia*", e acredito o carácter orixinal do mesmo.

Asinado:

Data: